

ҚАШЫҚТЫҚТАН ОҚЫТУ – ЗАМАН ТАЛАБЫ

Әлемді шарпыған пандемия елімізді де айналдырған өткен жоқ. Салдары әрине өте көп болды. Дегенмен, ел билігінің дұрыс қабылдаған шешімдерінің арқасында барлық сапаларды зардап шегуден сақтап қалды. Соның бірі-білім саласы. Бұл салада тез арада жүйелі жоспарлар әзірленіп, оқушылар, студенттер өздерінің білімдерін келерлік жолға асыру мақсатында қашықтықтан білім алу жүйесі енгізілді.

Қашықтықтан оқыту – Профессор-оқытушылар құрамы мен студент арасындағы жаңа өзара іс-қимылы кезінде ақпараттық-коммуникациялық технологияларды және телекоммуникациялық құралдарды қолдана отырып жүзеге асырылатын білім беру түрі болып табылады. Қашықтықтан білім беру технологиялары қашықтықтан оқу сабақтарын «online», «offline» режимінде өткізуге негізделген. «Online» режимінде оқу сабақтары нақты уақыт режимінде оқудың өзара іс-әрекет ету үдерісін қарастырады (бейнеконференция, интернет желісімен хабар алмасу, телефон аппаратын қолдана отырып, өлеуметтік желілер арқылы келіссөздер). «Online» режиміндегі оқу сабақтары оқытушы мен білім алушы арасындағы асинхронды тілдесудің (электрондық пошта, кейіннен қорытынды бақылау тапсырумен оқытушының тапсырмасы бойынша білім алушының оқулықпен жұмысы) оқу іс-әрекеті процесін қарастырады.

Қашықтықтан оқыту технологиясының артықшылықтары:

- Заман талабына сай ақпараттық-телекоммуникациялық технологиялар мен құралдарды қолдану;
- Интерактивті әрекеттесу формалары;
- Сапалы білім алу;
- Уақытты үнемдеу;
- Біңғайлы уақытта оқу;

- Аймақтық
- Шектеулер жоқ.

Қашықтықтан оқыту технологиясы – студенттердің біліктілігін әрі қарай тереңдете арттыру бағытындағы осы заманның ең өсерлі де тиімді жүйесі болып табылады және болашақта алатын орны орасан екені даусыз.

Қазіргі заманда білім алудың ілгері даму мүмкіндігі зор тәсілдерінің бірі – заманауи телекоммуникациялық технологияларды, атап айтқанда интернет желісін қамтамасыз ететін мүмкіндіктерді қолдана отырып, қашықтықтан оқыту. Қашықтықтан оқытудың тиімділігі оған енгізілген педагогикалық мағынамен анықталады, оның түсіндірулерінің ішінде екі түрлі көзқарасты бөліп көрсету керек.

Біріншісі, бүгінгі күні кеңінен таралған, қашықтықтан оқыту арқылы оқытушылар мен студент арасында ақпарат алмасуды білдіреді. Екінші тәсілде қашықтықтан оқытудың басым бағыты – қазіргі заманғы телекоммуникация құралдарының көмегімен құрылған студенттің жеке танымдылығының қызметі. Бұл тәсіл білім беру субъектілерінің өзара іс-қимылының интерактивтілігін және оқу процесінің өнімділігін қамтамасыз ететін ақпараттық және педагогикалық технологияларды біріктіруді көздейді. Бұл жағдайда ақпарат алмасу және жіберу студенттердің нәтижелі білім беру қызметін ұйымдастыру үшін көмекші ортаның рөлін атқарады. Оқыту нақты уақытта синхронды түрде жүреді, сонымен қатар асинхронды.

Қашықтықтан оқыту қазіргі заман талабы болса, оны ұйымдастыруда ең бастысы электрондық материалдар, қашықтықтан оқытудың дидактикалық жасалымы, педагог-үйлестірушілерді дайындау болып табылады. Бұл біліктілігі жоғары, зияткерлік және кәсіби деңгейі дамыған, халықаралық дәрежедегі бәсекеге төзімді қоғам құруға зор көмегін тигізеді.

Салтанат БАЙБОТАЕВА, М.Әуезов атындағы ОҚУ-нің «Мунай газ ісі» кафедрасының оқытушысы, доктор PhD, доцент, Арсланбек ОРЫНБАСАРОВ, х.ғ.к., қауымдастырылған профессор.